

H.W. Schneller

Ledig

f, f

(B-Dur)

(1 st. Jodel)

Wie schön isch's am Schärme im
eigene Huus! Und wenn's mer
vertleidet, so ziehn i halt us, in
Ochse, in Leue, es Schöppli go
neh und niemer zelt's noch git's
öppe-n-eis meh und niemer zelt's
noch git's öppe-n- eis meh!

Vielicht händ's a Muusig, es
längt zu me Jass. Am Tisch i der
Rundi weiss jede en Gspass. Und
schlot's a der Chile bald eis oder
zwei, keis Frätzli het gmüedet:
Chumm gly wieder hei! Keis Frätzli
het gmüedet: Chumm gly wieder
hei!

Bin eischer min eigene Meisch-
ter und Chüng und all's läuft am
Schnürli so luschtig und ring. Und
spienzle die Meitli und mached
mer Gluscht, es Schmützli im
Dunkle, sie gänd's ume-suscht! Es
Schmützli im Dunkle, sie gänd's
ume-suscht!